

PROXECTO DE LECER NO VERÁN PARA PERSOAS CON DISCAPACIDADE Xullo e Agosto 2017

A Concellería de Política Social, en colaboración con Pasovigo, vai realizar un proxecto durante os meses de xullo e agosto que consiste nun servizo de lecer e respiro familiar de carácter non permanente, dirixido a persoas con discapacidade (parálise cerebral, autismo, síndrome de down, etc).

O LECER NO VERÁN consta de dous proxectos:

- ✓ "DIVÍRTETE NO VERÁN", no mes de Xullo.
- ✓ "VERÁN DO LECER", no mes en Agosto.

¿Quen pode participar?

Poderán participar as persoas con discapacidade, empadroadas no Concello de Vigo, dende os 6 aos 65 anos.

Prazo de presentación das solicitudes

As solicitudes presentarse no rexistro xeral do Concello ***dende o 18 ao 31 de maio (ambos incluídos)*** en horario de 9.00h a 13.30h de luns a venres.

¿Cantas persoas poden participar?

O proxecto de "LECEP NO VERÁN PARA PERSOAS CON DISCAPACIDADE" conta coas seguintes prazas:

- **DIVÍRTETE NO VERÁN - Xullo** 35 prazas:
 - ✓ 30 prazas para persoas de 6 a 30 anos.
 - ✓ 5 prazas para maiores de 30 anos.
- **VERÁN DO LECER - Agosto** ata un máximo 40 prazas:
 - ✓ 15 prazas para persoas de 6 a 30 anos.
 - ✓ 25 prazas para maiores de 30 anos.

Datas da actividade

- **DIVÍRTETE NO VERÁN - XULLO** :
 - ✓ Do **3** de xullo ata o **7** de xullo
 - ✓ Do **10** de xullo ata o **14** de xullo
 - ✓ Do **17** de xullo ata o **21** de xullo
- **VERÁN DO LECER - AGOSTO:**
 - ✓ Do **31** de xullo ata o **4** de agosto
 - ✓ Do **7** de agosto ata o **11** de agosto
 - ✓ Do **21** de agosto ata o **25** de agosto

Horario e servizos complementarios que se ofertan

DIVÍRTETE NO VERÁN - XULLO :

- ✓ De 10:00h ata 14:00h (atención directa) con servizo de transporte. As persoas participantes deberán levar o almorzo para media mañá.

VERÁN DO LECER - AGOSTO:

- ✓ De 10:00h ata 16:00h (atención directa) con servizo de transporte e de comedor, ou ata as 14.00h sen transporte e sen comedor.

Solicitud e Documentación

As persoas interesadas en participar presentarán a súa solicitude no **Rexistro Xeral do Concello (de luns a venres, en horario de 09.00h a 13.30h)** no modelo oficial, no que se fará constar o seu desexo de participar no programa de "Lecer no verán" ou no Centro onde se atope a persoa discapacitada, sendo un responsable do Centro o que presentará as solicitudes no Concello dentro do prazo establecido.

Tódalas persoas interesadas deberán presentar:

- ANEXO I - Solicitud
- ANEXO II - Ficha de coñecemento persoal
- ANEXO III - Autorización materna/paterna
- ANEXO IV - Ficha de transporte. **(Este servizo só se presta dentro do Concello de Vigo).** O transporte será sempre de ida e volta
- Aquelas persoas que teñan que tomar medicación presentarán prescrición médica e posoloxía para a administración da mesma

As Persoas que soliciten por vez primeira achegarán tamén:

- Fotocopia DNI do solicitante
- Fotocopia tarxeta médica
- Fotocopia do certificado oficial de minusvalía
- Foto do solicitante (optativo)

Deberá facerse constar os servizos que demandan así como as datas nas que se desexa participar no proxecto.

O tempo mínimo que se pode solicitar é unha semana de luns a venres.

Como máximo poderán solicitarse dúas semanas por mes

Pódense solicitar unha ou varias quendas, cun máximo de dúas semanas cada mes, tendo prioridade a concesión da quenda solicitada en primeiro lugar.

A concesión de máis dunha quenda realizarase, se existe dispoñibilidade de prazas.

¿Onde se imparten?

As actividades impartiranse en centros accesibles e adaptados as necesidades persoais dos participantes.

- **DIVÍRTETE NO VERÁN - XULLO: VERBUM - Casa das Palabras**

Avenida de Samil nº 17

36212 Vigo

Tlf.: 986 240 130

- **VERÁN DO LECER - AGOSTO: Centro SAN FRANCISCO**

Rúa Cangas nº 14

36209 Vigo

Tlf.: 986 297 000

Custo da actividade

O programa de LECER NO VERÁN para persoas con discapacidade está cofinanciado pola Concellería de Política Social e os usuarios do mesmo.

Prezo da actividade por semana:

- **DIVÍRTETE NO VERÁN - Xullo:**

✓ Cota de inscrición: **10,00 €/semana**

✓ Servizo de Transporte: **GRATUÍTO**. A técnica do Concello valorará a concesión ou non do servizo

Prezo da actividade por semana:

• **VERÁN DO LECER - Agosto:**

- ✓ Cota de inscrición **10,00 €/semana**
- ✓ Servizo de Transporte: **GRATUÍTO**. A técnica do Concello valorará a concesión ou non do servizo
- ✓ Servizo de Comedor **25,00 €/semana**

As cotas ingresaranse unha vez concedida a actividade

Persoal que impartirá a actividade

O proxecto será coordinado e supervisado pola técnica responsable do Servizo de Persoas con Discapacidade do Concello de Vigo.


O persoal que imparte o proxecto estará formado e cualificado, tendo en conta as características dos usuarios.

A Asociación Xuvenil Abertal será o responsable de levar a cabo a coordinación do proxecto "Lecer no verán para persoas con discapacidade "

Vigo, data da sinatura dixital

A técnica responsable do servizo
de persoas discapacitadas

M^a Jesús Sanromán Varela



A concelleira delegada
da área de Política Social

Isaura Abelairas Rodríguez

